

PROTOCOLO BÁSICO DE ACTUACIÓN

PRAIA FLUVIAL
CONCELLO DA ESTRADA



Concello
da Estrada

1.- CRITERIOS DE UTILIZACIÓN.

2.- CARACTERÍSTICAS DE USO.

3.- REQUISITOS OBRIGATORIOS PARA O ACCESO Á INSTALACIÓN.

3.1.- REALIZACIÓN DE EVENTOS NA INSTALACIÓN.

3.2.- NORMAS PARA A ZONA DE BAÑO.

4.- NORMAS COMÚNS DE ACCESO Á PRAIA FLUVIAL.

4.1.- APERTURA PREVIA DA INSTALACIÓN.

5.- MEDIDAS HIXIÉNICO-SANITARIAS PARA A INSTALACIÓN.

6.- SOLICITUDE DA INSTALACIÓN PARA EVENTOS.

7.- ANEXO I. SOLICITUDE.

Este protocolo será de obrigado cumprimento por parte dos usuarios que vaian utilizar a praia fluvial no Concello da Estrada. Será complementado por aquelas normas ou ordes que se diten e publiquen por parte das autoridades sanitarias e deportivas durante o transcurso da evolución desta situación. Actualizarase continuamente de acordo coas informacións e criterios das autoridades competentes.

De todos os xeitos, o cumprimento deste protocolo corresponderalles aos usuarios dende o momento no que se atopen dentro da instalación, e baixo a súa exclusiva responsabilidade.

1.- CRITERIOS DE UTILIZACIÓN.

Poderán utilizar as diferentes instalacións os cidadáns que cumpran os requisitos marcados e realicen o procedemento para acceder correctamente. Terán prioridade na utilización durante o horario de apertura todos os usuarios, quedando unha franxa horaria, que haberá que determinar, para os deportistas que o precisen do noso Concello, nunca interferindo nos horarios de apertura ao público.

O ACCESO SERÁ LIBRE SEN NECESIDADE DE FACER RESERVA ALGUNHA. ÚNICAMENTE HABERÁ QUE FACER RESERVA PARA A REALIZACIÓN DE EVENTOS.

Para a realización de eventos, atenderanse as solicitudes que se formulen en tempo e forma mediante solicitude e obrigado cumprimento obrigado de normas de hixiene e seguridade.

Esta normativa será a que se aplicará na praia fluvial para a tempada 2020 (xullo e agosto)

2.- CARACTERÍSTICAS DE USO.

- Poderán acceder nenos/as e mozos/as ata os 16 anos de idade, sempre e cando vaian acompañados dun adulto, coa debida acreditación.
- Poderán acceder aqueles usuarios entre 16 e 18 anos, sempre e cando presenten unha autorización do pai/nai/titor legal para poder acceder as instalacións sen acompañante.
- **Días de utilización: de luns a domingo.**
- **Horario das instalacións: as instalacións permanecerán abertas de luns a venres en horario de 15 a 21h. Sábados e domingos en horario de 11 a 21h.**
- A instalación terá limitada a súa capacidade máxima. A cabida máxima permitida será do 30% da capacidade da instalación, sempre que sexa posible respectar a distancia de seguridade entre usuarios de dous metros. No caso contrario, reducirase a capacidade para os efectos de cumprir coa distancia de seguridade.
- As zonas de vestiarios terán acceso restrinxido dependendo da normativa sanitaria. Únicamente, se poderán utilizar os aseos. As duchas estarán precintadas e non se poderá facer uso delas.
- Estará permitido realizar eventos colectivos a usuarios particulares, previa solicitude, sempre e cando se cumpra a normativa sanitaria estipulada para este tipo de eventos.

No caso de que algunha solicitude sexa denegada porque non está permitido e/ou aconsellado polas autoridades sanitarias, ou por exceso de aforo, faráselle saber ao solicitante.

3.- REQUISITOS OBRIGATORIOS PARA O ACCESO Á INSTALACIÓN.

- A instalación terá unha porta de entrada e saída para os peóns (portal máis próximo ao río). O portal máis afastado do río, únicamente se abrirá para o acceso de vehículos para carga e descarga.
- Está prohibido o estacionamento no interior de todo o recinto da praia fluvial. Únicamente poderán acceder vehículos para carga e descarga.
- **Dentro do recinto da instalación, para as persoas de seis ou máis anos será obrigatorio o uso da máscara en todo momento, tanto cando en espazos ao aire libre como cando se estea en espazos pechados de uso público ou que se encontren abertos ao público, aínda que se poida garantir a distancia de seguridade interpersoal de 1,5 metros, ca excepción do seu uso, durante o baño e mentres se permaneza nun espazo determinado, sen desprazarse, e sempre que se poida garantir o respecto da distancia de seguridade interpersoal entre todas as persoas usuarias non conviventes. En calquera caso, será obrigatorio o uso de máscara para os accesos, desprazamentos e paseos nas instalacións da praia fluvial.**
- **Prohíbese expresamente a actividade habitualmente coñecida como “botellón”, tendo en conta os riscos que presenta para a saúde pública, relacionados coa aglomeración incontrolada de persoas e coa ausencia ou relaxación de medidas de seguridade e de distanciamento persoal.**
- Deberanse desbotar as máscaras, luvas, panos de papel ou outros materiais que se utilicen nas papeleiras que hai na instalación.

3.1.- REALIZACIÓN DE EVENTOS NA INSTALACIÓN.

- **Todos aqueles eventos que superen as 10 persoas é obrigatorio que realicen a correspondente solicitude.**
- **Cando as solicitudes presentadas para un mesmo día, sobrepasen os 200 asistentes, non se concederá ningunha a maiores para non sobrepasar o aforo. As autorizacións terán orde de saída tal e como se recibiron por rexistro de entrada**
- **Presentación da solicitude segundo modelo (Anexo I), que aproba o acceso á instalación.** Dispoñible na web municipal www.aestrada.gal
- Para poder realizar eventos nas instalacións da praia fluvial, requirírase presentar a solicitude polo Rexistro Central do Concello da Estrada ou pola sé electrónica da web municipal www.aestrada.gal . No caso de non poder autorizar a solicitude, propoñerase un horario alternativo, fóra do cal non se poderá permanecer na instalación.

3.2.- NORMAS ESPECÍFICAS PARA A ZONA DE BAÑO.

- O posto de socorro estará situado a pé de praia.
- O aforo da zona de área delimitada é de 200 bañistas.
- Facer caso en todo momento das indicacións do socorrista.
- Na zona da ponte, está prohibido tirarse de cabeza e sobrepasar a liña de comportas.
- Únicamente está permitido entrar na auga polas escaleiras.
- Utilizar as papeleiras e non deixar o lixo na zona de praia.
- Manter a distancia de seguridade na zona de praia.

4.- NORMAS COMÚNS DE ACCESO Á PRAIA FLUVIAL

4.1.- MEDIDAS PREVIAS Á APERTURA DA INSTALACIÓN.

- Limpeza e desinfección profunda das instalacións previa á reapertura mediante unha empresa ou persoal especializado en limpeza e produtos homologados, con especial atención aos espazos pechados como os baños e aseos.
- Así mesmo, limparanse e desinfectaranse aquelas superficies en contacto frecuente coas mans dos usuarios, como pomos das portas dos vestiarios ou varandas.
Os biocidas que se empregarán para a desinfección das superficies serán aqueles do tipo de produto 2, referidos no anexo V do Regulamento (UE) n.º 528/2012 do Parlamento Europeo e do Consello, de 22 de maio de 2012, relativo á comercialización e o uso dos biocidas. Así mesmo, se poderán utilizar desinfectantes como dilucións de lixivia 1:50 preparada recentemente ou calquera dos desinfectantes con actividade virucida que se atopan no mercado e que foron autorizados e rexistrados polo Ministerio de Sanidade.
- Expoñer de maneira visible ao público un documento que acredite o traballo realizado antes de apertura.
- Aproveitamento de material de sinalización e balizamento así como os EPIs para os traballadores que estableza a normativa. Lembrarase aos usuarios por medios de cartelería visible as normas de hixiene e prevención, sinalando a necesidade de abandonar a instalación ante calquera síntoma compatible co COVID-19.
- Nas zonas dos aseos, débese establecer unha distribución espacial para garantir a distancia de seguridade de polo menos 1,5 metros entre os usuarios mediante sinais no chan limitando os espazos. Todos os obxectos persoais, como toallas, deben permanecer dentro do perímetro de seguridade de 1,5 metros establecido, evitando contacto co resto de usuarios. O uso da máscara será obrigatorio no acceso á zona de aseos.
- O uso e limpeza dos aseos deberase verificar que, en todo momento, estean dotados de xabón e/ ou xeles hidroalcohólicos ou desinfectantes con actividade virucida autorizados e rexistrados polo Ministerio de Sanidade.
- Formar ao persoal nos novos protocolos de reapertura (distanciamento social, limpeza, vixilancia, axuda, consultas,...) para garantir a súa seguridade e a dos usuarios.

5.- MEDIDAS HIXIÉNICO-SANITARIAS PARA A INSTALACIÓN

- O responsable da instalación, deberá asegurar que se adoptan as medidas de limpeza e desinfección axeitadas ás características e intensidade de uso da instalación prevista nesta normativa.
- Neste caso limpeza e desinfección diaria dos aseos, parque infantil, e varandas, así como recollida de papeleiras e desinfección das mesmas.
- Nas tarefas de limpeza prestarase especial atención ás zonas de uso común e ás superficies de contacto máis frecuentes como pomos de portas, e outros elementos de similares características, conforme ás seguintes pautas:
 - ✓ Utilizaranse desinfectantes como dilucións de lixivia (1:50) preparada recentemente ou calquera desinfectante con actividade virucida autorizado e rexistrado polo Ministerio de Sanidade, respectando no uso as indicacións da etiqueta.
 - ✓ Despois de cada limpeza, os materiais empregados e os equipos de protección utilizados desbotaranse de forma segura, procedéndose posteriormente ao lavado de mans.

- As medidas de limpeza estenderanse tamén, no seu caso, a zonas privadas dos traballadores, tales como vestiarios, armarios gardarroupa, aseos e áreas de descanso.
- Cando de acordo co previsto nesta normativa o uso dos aseos estea permitido por clientes, visitantes ou usuarios, a súa ocupación máxima será dunha persoa, agás naqueles supostos de persoas que poidan precisar asistencia, en cuxo caso tamén se permitirá a súa utilización polo seu acompañante.
- Os aseos non se poderán utilizar para outro fin que o propio, e polo tempo imprescindible.

6.- SOLICITUDE DA INSTALACIÓNS PARA EVENTOS

- Rexistrar á solicitude debidamente cuberta
- É obrigatorio cursar a solicitude como mínimo 48 horas antes
- Non se atenderán solicitudes que non cumpran estes requisitos
- No caso de non poder autorizar o horario solicitado, este departamento propoñerá un horario alternativo, sempre e cando sexa posible

7.- ANEXO I



SOLICITUDE DE EVENTOS NA PRAIA FLUVIAL

O Concello da Estrada, abre a solicitude, para a realización de eventos na praia fluvial. A autorización para a utilización pode estar condicionada polos protocolos doutras administracións.

NOME DO SOLICITANTE _____

ENDEREZO _____

DNI: _____ TELÉFONO: _____

CORREO ELECTRÓNICO: _____

TIPO DE EVENTO: _____

DÍA: _____ FRANXA HORARIA SOLICITADA: _____

NÚMERO DE ASISTENTES: _____

ACCESO DO VEHÍCULO PARA CARGA E DESCARGA: _____

OBSERVACIÓNS: _____

***É obrigatorio cursar a solicitude como mínimo 48 horas antes.
Non se atenderán solicitudes que non cumbran este requisito.
No caso de non poder autorizar o horario solicitado, este departamento propoñerá un
horario alternativo.***

O SOLICITANTE DECLARA:

- *Que leu este protocolo e coñece cales son as indicacións das autoridades sanitarias para este tipo de eventos, comprometéndose ao seu cumprimento de forma exhaustiva.*
- *Así mesmo declara que accederá ás instalacións coas medidas esixidas, e que cumprirá coas normas de utilización que marca o protocolo para a utilización da praia fluvial do Concello da Estrada, en cada un dos espazos.*
- *Declara que respectará as instalacións, comprometéndose a recoller o lixo derivado da realización do evento, depositándoo nos colectores de lixo existentes o lado do local do bar, así coma, no caso de realizar lume para preparar alimentos, unicamente o fará nos lugares habilitados.*
- *Está prohibido o estacionamento no interior de todo o recinto da praia fluvial. Únicamente poderán acceder vehículos para carga e descarga polo portal máis afastado do río, volvendo a pechar o portal de entrada unha vez saia o vehículo do recinto.*
- *Declara que, malia a existencia dun protocolo de volta á actividade, é consciente dos riscos existentes nunha situación pandémica como a actual.*
- *Que avisará, de forma inmediata se dese positivo en Covid-19, para que se poidan tomar as medidas oportunas.*

A sinatura acredita estar conforme coa aceptación das normas de utilización da praia fluvial do Concello da Estrada.

A Estrada, _____ de _____ de 2020

SINATURA: